

ხელშეკრულება N23-061221-01

სახელმწიფო შესყიდვის შესახებ
(ელექტრონული ტენდერი)
(NAT210021572)

ქ.გარდაბანი

06.12.2021 წელი

შპს „გარდაბნის თბოსადგური“ (შემდგომში - „შემსყიდველი“), წარმოდგენილი მისი გენერალური დირექტორის ჯაბა ხმაღაძის სახით და სს „ჰიუნდაი ავტო საქართველო“ (შემდგომში - „მიმწოდებელი“), წარმოდგენილი მისი დირექტორის დავით გიორგობიანის სახით, ორივე ერთად წოდებულნი როგორც „მხარეები“, ვმოქმედებთ, რა საქართველოს კანონმდებლობის, „სახელმწიფო შესყიდვების შესახებ“ საქართველოს კანონის შესაბამისად, ამავე კანონის მე-3 მუხლის პირველი პუნქტის „ჟ“ ქვეპუნქტის საფუძველზე, ვდებთ ხელშეკრულებას:

1. გამოყენებული ტერმინების განმარტებები

1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებულ ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
3. პრეისკურანტის სავარაუდო ღირებულება - წინამდებარე ხელშეკრულებაზე თანდართული დანართი №1-ით განსაზღვრული მომსახურებისა და ასეთი მომსახურებისათვის საჭირო სათადარიგო ნაწილების სავარაუდო ჯამური ღირებულება.
4. „დღე“, „კვირა“, „თვე“ - კალენდარული დღე, კვირა, თვე.
5. „შემსყიდველი“ - ორგანიზაცია, რომელიც ახორციელებს შესყიდვას.
6. „მიმწოდებელი“ - პირი, რომელიც ახორციელებს მომსახურების გაწევას ამ ხელშეკრულების ფარგლებში.
7. „მომსახურება“- ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

შპს „გარდაბნის თბოსადგურის“ ბალანსზე რიცხული 2 ერთეული ავტობუსის ტექნიკური მომსახურება წინამდებარე ხელშეკრულებაზე თანდართული დანართი N1-ის (პრეისკურანტი) შესაბამისად (CPV 50113200).

3. ხელშეკრულების ღირებულება

1. ხელშეკრულების ღირებულება შეადგენს: 30 000.00 (ოცდაათი ათასი) ლარს დღგ-ს ჩათვლით.
2. ხელშეკრულებით გათვალისწინებული მომსახურების ერთეულის ფასი განისაზღვრება დანართი N1-ის (პრეისკურანტი) შესაბამისად, პრეისკურანტის ჯამური ღირებულება შეადგენს 23 593.00 (ოცდასამი ათას ხუთას ოთხმოცდაცამეტი) ლარს.
3. მომსახურების ღირებულება მოიცავს როგორც გასაწევი მომსახურების ღირებულებას, ასევე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.
4. ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა.
5. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

4. მხარეთა ვალდებულებები და მომსახურების გაწევის ვადები

1. მიმწოდებელი ვალდებულია:
 - ა) უზრუნველყოს ხელშეკრულების მე-2 მუხლით განსაზღვრული მომსახურების გაწევა ხელშეკრულების გაფორმებიდან მაგრამ არაუადრეს 2022 წლის 1 იანვრიდან 2022 წლის 31 დეკემბრის ჩათვლით;
 - ბ) უზრუნველყოს შემდეგი სახის ტექ-მომსახურების გაწევა:
 - ბ.ა) ავტოსატრანსპორტო საშუალებების პროფილაქტიკური და დიაგნოსტიკური მომსახურება, მათ შორის სათადარიგო ნაწილების შეკეთება ან/და შეცვლა;
 - ბ.ბ) საცხებ-საპოხი მასალების შეცვლა;
 - ბ.გ) საჭიროების შემთხვევაში ევაკუატორით მომსახურება.
 - გ) ავტოსატრანსპორტო საშუალებების ტექნიკური მომსახურება განახორციელოს დაუყოვნებლივ, რიგგარეშედ. ამასთან მომსახურების გაწევის ვადის ათვლა იწყება შემსყიდველის წერილობითი ან/და მიმწოდებლის ელექტრონულ ფოსტაზე შეტყობინების მიღებიდან და თითოეულ შემთხვევაში არ უნდა აღემატებოდეს:
 - გ.ა) სავალი ნაწილებისათვის არაუმეტეს 2 (ორი) სამუშაო დღეს;
 - გ.ბ) ელექტრობისათვის არაუმეტეს 2 (ორი) სამუშაო დღეს;
 - გ.გ) აგრეგატების შეკეთების/შეცვლისათვის არაუმეტეს 2 (ორი) სამუშაო დღეს;

გ.დ) სამღებრო/სათუნუქე სამუშაოებისათვის არაუმეტეს 10 (ათი) სამუშაო დღეს;

გ.ე) ხანგრძლივი მომსახურების (ძრავის, სიჩქარეთა კოლოფის) გაწევის დრო არაუმეტეს 10 (ათი) სამუშაო დღეს;

გ.ვ) სხვა დანარჩენ შემთხვევებში „შემსყიდველის“ მიერ მითითებულ გონივრულ ვადას;

დ) პრეტენდენტმა შემსყიდველის ავტოსატრანსპორტო საშუალებებს უნდა მიაწოდოს პრიორიტეტი, რაც გულისხმობს მათ რიგგარეშე და დაუყოვნებლივ მომსახურებას, თუ ავტოტექნომომსახურება ეხება ძრავის კაპიტალურ რემონტს ან დეფიციტური სათადარიგო ნაწილით უზრუნველყოფას, შესაძლებელია, მომსახურების გაწევის დრო განისაზღვროს მხარეთა შეთანხმებით, მაგრამ არაუმეტეს 10 (ათი) სამუშაო დღისა. სათადარიგო ნაწილი არ ჩათვლება დეფიციტურად თუ საქართველოს ბაზარზე მოიძებნება ერთი მიმწოდებელი მაინც, რომელიც ახორციელებს აღნიშნული სათადარიგო ნაწილის რეალიზაციას;

ე) შემოთავაზებულ სერვის-ცენტრში უზრუნველყოს ავტომანქანის ტექნიკური მომსახურება კვირაში 5 (ხუთი) დღის განმავლობაში (საჭიროების შემთხვევაში კვირაში 7 (შვიდი) დღე);

ვ) შემსყიდველის მიმართვის შემთხვევაში ჩაატაროს ავტოსატრანსპორტო საშუალების დათვალიერება, რის შემდეგადაც მხარეები ადგენენ დეფექტურ აქტს/დოკუმენტს, რომელშიც მითითებული უნდა იყოს გასაწევი მომსახურების ან/და სათადარიგო ნაწილების დეტალური აღწერა, მათი ღირებულებები, აგრეთვე ავტოსატრანსპორტო საშუალების შეკეთებისათვის საჭირო დროის ხანგრძლივობა, რომელიც აითვლება ავტოსატრანსპორტო საშუალების ბოქსში შესვლისთანავე;

ზ) საჭიროების შემთხვევაში შემსყიდველის არანაკლებ 2 (ორი) ავტოსატრანსპორტო საშუალებას ერთდროულად გაუწიოს ტექნიკური მომსახურება;

თ) ავტოსატრანსპორტო საშუალებების ტექნიკური მომსახურების გაწევა უნდა განხორციელდეს მიმწოდებლის სერვის-ცენტრ(ებ)ში, რომელიც მდებარეობს ქ. თბილისი, დავით აღმაშენებლის ხეივანი მე-13 კმ.

ი) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე;

კ) ხელი შეუწყოს შემსყიდველს ინსპექტირების განხორციელებაში.

ლ) განახორციელოს ამ ხელშეკრულებით მასზე დაკისრებული სხვა ვალდებულებები.

2. შემსყიდველი ვალდებულია:

ა) განახორციელოს ამ ხელშეკრულებით მასზე დაკისრებული სხვა ვალდებულებები.

ბ) უზრუნველყოს ანგარიშსწორება ხელშეკრულებით გათვალისწინებული პირობებით და ოდენობით.

3. შემსყიდველი უფლებამოსილია:

ა) პრეტენდენტის მიერ შედგენილ დეფექტურ აქტში მითითებული სამუშაოების სისწორის გადამოწმება მოახდინოს ავტორიზებულ სერვისცენტრში ან მხარეთა შეთანხმებით სხვა სერვისცენტრში, ასევე სსიპ ლევან სამხარაულის სახელობის სასამართლო ექსპერტიზის ეროვნულ ბიუროში ან/და სხვა აკრედიტირებულ პირთან;

4. მხარეები კისრულობენ ვალდებულებას ხელშეკრულებასთან დაკავშირებული ნებისმიერი მიმოწერა აწარმოონ წერილობით ან/და ელექტრონული ფოსტის (მიმწოდებლის ელექტრონული ფოსტის მისამართი: office@hyundai.ge; შემსყიდველის ელექტრონული ფოსტის მისამართი: m.saratovi@gardabani.tpp.ge;) მეშვეობით.

5. ხარისხი და გარანტია

1. გაწეული მომსახურების ხარისხი უნდა შეესაბამებოდეს წინამდებარე ხელშეკრულებაში მითითებულ პირობებს და ამ სფეროში დადგენილ სტანდარტებს (ასეთის არსებობის შემთხვევაში).

2. მოსაწოდებელი ავტონაწილები უნდა იყოს ქარხნული წარმოების, ახალი.

3. დეტალის შეცვლა გულისხმობს არსებული დეტალის შეცვლას ახლით და ამისათვის საჭირო ყველა მომსახურების გაწევას (მაგ. სხვა დეტალების მოხსნა-დაყენებას და ა.შ.);

4. ექსპლუატაციის პირობების დაცვის შემთხვევაში (თუ არ აღინიშნება გარეგანი მექანიკური ზემოქმედებით გამოწვეული დაზიანება) მიმწოდებლის მიერ გაწეულ ტექ-მომსახურებაზე, უნდა ვრცელდებოდეს 6 თვიანი გარანტია გარდა იმ სათადარიგო ნაწილებისა, რომელთა ექსპლუატაციის ვადა დამოკიდებულია ავტომანქანების გარბენზე. აღნიშნულმა სათადარიგო ნაწილებმა უნდა უზრუნველყონ ავტომანქანის გამართულად ექსპლუატაცია არანაკლებ ქვემოთ ჩამოთვლილ გარბენზე და პერიოდში:

ა) ავტომობილის ძრავის ღვედი - 40 000 კმ;

ბ) გენერატორის ღვედი - 30 000 კმ;

გ) ავტომობილის ძრავზე, გადაცემათა კოლოფზე და ხიდებზე (კაპიტალური შეკეთების შემთხვევაში) 1 წელი ან 40 000 კმ;

დ) ავტომობილის ძრავზე, გადაცემათა კოლოფზე და ხიდებზე (ახალი ნაწილის შემთხვევაში) 2 წელი ან 80 000 კმ;

ე) ელექტრონულ მოწყობილობებზე (გარდა ელ. მცველებისა და ნათურებისა) 1 წელი;

ვ) გადამბულობის კომპლექტზე, სამუხრუჭე ხუნდებზე, დაკიდების დისკზე, მორგვის საკისრებზე და ყუმბარებზე 30 000 კმ;

5. შემსყიდველის მხრიდან შესყიდვის ობიექტის ექსპლუატაციის ნორმების დაცვის შემთხვევაში, საგარანტიო ვადის განმავლობაში, მიმწოდებელი ვალდებულია ხელშეკრულების მე-4 მუხლის მე-4 პუნქტის თანახმად განხორციელებული შეტყობინებიდან დაუყოვნებლივ, მაგრამ არაუგვიანეს 2 (ორი) სამუშაო დღის განმავლობაში აღმოფხვრას აღმოჩენილი წუნი/დაზიანება, შემსყიდველის მხრიდან გასაწევი ყველანაირი დამატებით ხარჯის გარეშე; თუ წუნი გამოსწორება შეუძლებელია და შემსყიდველს უკვე გადახდილი აქვს მომსახურების ღირებულება, დაუბრუნოს შემსყიდველს გაწეული მომსახურების ღირებულება.

6. ხელშეკრულების შესრულების კონტროლი

1. შემსყიდველის მიერ ხელშეკრულების შესრულების კონტროლი განხორციელდება, როგორც მომსახურების გაწევის დროს, ისე ამ ხელშეკრულების მოქმედების პერიოდში შემსყიდველის მოთხოვნათა შესაბამისად.

2. ხელშეკრულების პირობების შესრულების კონტროლს განახორციელებენ შემსყიდველის მიერ განსაზღვრული პირი ან/და პირთა ჯგუფი, ან კონკრეტულ შემთხვევებში მხარეთა შეთანხმებით შესაძლებელია მოწვეულ იქნეს სპეციალური ცოდნის მქონე სპეციალისტი (ექსპერტი).

7. მიღება-ჩაბარების წესი

1. მომსახურების მიღება განხორციელდება ფაქტობრივად გაწეული მომსახურების შესაბამისად გაფორმებული მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელის მოწერის საფუძველზე;

2. მომსახურების მიღებას აწარმოებს: შპს „გარდაბნის თბოსადგურის“ ლოგისტიკის დეპარტამენტის უფროსი - დავით შარაშენიძე;

8. ანგარიშსწორება

1. ანგარიშსწორება განხორციელდება შემდეგი პირობებით:

ა) ანგარიშსწორება წარმოებს ლარში, ხელშეკრულებაში მითითებული მიმწოდებლის საბანკო რეკვიზიტების შესაბამისად.

2. შემსყიდველი ვალდებულია გადაუხადოს მიმწოდებელს მიწოდებული საქონლის ღირებულება მიღება-ჩაბარების აქტის გაფორმებიდან და დადასტურებული საგადასახადო ანგარიშ-ფაქტურის წარმოდგენიდან 10 (ათი) სამუშაო დღის განმავლობაში. თუ ანგარიშსწორების დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს.

3. თუ შემსყიდველის მიერ ხელშეკრულებით განსაზღვრული ფაქტობრივად გაწეული მომსახურების ღირებულებამ არ შეადგინა წინამდებარე ხელშეკრულებით გათვალისწინებული სრული თანხა, შემსყიდველი გადაუხდის მიმწოდებელს ფაქტურად გაწეული მომსახურების ღირებულებას. აღნიშნულიდან გამომდინარე, მიმწოდებელი კარგავს განსახორციელებელი მომსახურების ანაზღაურების მოთხოვნის უფლებას.

9. ხელშეკრულების შესრულების შეფერხება

1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ შესაძლო უმოკლეს ვადაში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-11 მუხლის შესაბამისად.

10. ხელშეკრულების პირობების შეუსრულებლობა

1. ხელშეკრულების მე-4 მუხლის პირველი პუნქტის „ა“, „ბ“, „გ“ და „დ“ ქვეპუნქტებით გათვალისწინებული ან/და ხელშეკრულების მე-5 მუხლის მე-5 პუნქტით განსაზღვრული ვადების გადაცილების შემთხვევაში, მიმწოდებელს ეკისრება პირგასამტეხლო შესაბამისად ყოველ გადაგადაცილებულ დღეზე ხელშეკრულების საერთო ღირებულების 0.1%-ის ოდენობით.

2. პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

3. ხელშეკრულების მე-14 მუხლის მე-2 პუნქტის „ა“, „ბ“ და „გ“ ქვეპუნქტებით გათვალისწინებული შემთხვევების დადგომისას შემსყიდველი უფლებამოსილია ამოქმედოს ხელშეკრულების მე-10 მუხლის მე-3 პუნქტის 3.1 ქვეპუნქტი, ხოლო, ხელშეკრულების მოქმედების ვადის გასვლის შემთხვევაში ხელშეკრულების მე-10 მუხლის მე-3 პუნქტის 3.2 ქვეპუნქტით განსაზღვრული საჯარიმო სანქციები:

3.1. მიმწოდებლის მიერ ხელშეკრულებით ნაკისრი ვალდებულებების შეუსრულებლობის, ნაწილობრივი შესრულების ან არაჯეროვანი შესრულების მიზეზით ხელშეკრულების შეწყვეტის შემთხვევაში შემსყიდველს უფლება აქვს დააკისროს პირგასამტეხლო ხელშეკრულების ღირებულების 10%-ის ოდენობით.

3.2. იმ შემთხვევაში, თუ ხელშეკრულების მოქმედების ვადის გასვლის შემდეგ, მიმწოდებლის მიერ ხელშეკრულებით ნაკისრი ვალდებულებები შეუსრულებელია, შემსყიდველს უფლება აქვს, დააკისროს მიმწოდებელს პირგასამტეხლო ხელშეკრულების ღირებულების 10%-ის ოდენობით.

4. შემსყიდველი უფლებამოსილია ანგარიშსწორებისას მიმწოდებელს გამოუქვითოს პირგასამტეხლოს სახით მასზე დარიცხული თანხა.

5. შემსყიდველი უფლებამოსილია უარი განაცხადოს უხარისხო ან ინსპექტირების ჯგუფის მიერ გაწეული მომსახურების მიღებაზე.

11. ხელშეკრულებაში ცვლილებების შეტანა

1. ნებისმიერი ცვლილება ხელშეკრულებაში განხორციელდება წერილობით ორივე მხარის უფლებამოსილი წარმომადგენლების ხელმოწერით.

12. ხელშეკრულების შესრულების შეუძლებლობა

1. ხელშეკრულების დამდები მხარის მიერ ხელშეკრულების პირობების შეუსრულებლობა არ გამოიწვევს მხარის პასუხისმგებლობას თუ ხელშეკრულების შეუსრულებლობა ან არაჯეროვანი შესრულება გამოწვეულია შესრულების შეუძლებლობით (ფორს-მაჟორი);

2. ამ ხელშეკრულების მიზნებისათვის შესრულების შეუძლებლობად (ფორს-მაჟორი) მიიჩნევა მხარეებისათვის წინასწარ უცნობი, გადაულახავი და მათი კონტროლისაგან დამოუკიდებელი გარემოებები. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნების მკვეთრი შემცირებით და სხვა;

3. ფორს-მაჟორული გარემოებების დადგომის შემთხვევაში მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი

გარემოებების და მათი გამოწვევი მიზეზების შესახებ. თუ შეტყობინების გამგზავნი მხარე მეორე მხარისაგან გონივრულ ვადაში არ მიიღებს წერილობით პასუხს, იგი ვალდებულია გააგრძელოს ხელშეკრულებით ნაკისრი ვალდებულებების შესრულება შესაძლებლობის ფარგლებში, შექმნილი გარემოებების გათვალისწინებით;

4. მხარეთა პასუხისმგებლობა და ვალდებულებები განახლდება ფორს-მაჟორული გარემოებების მოქმედების დასრულებისთანავე.

13. დავების გადაწყვეტა

1. ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკებების გზით.

2. თუ ასეთი მოლაპარაკებების დაწყებიდან 14 (თოთხმეტი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია, მიმართოს საქართველოს სასამართლოს კანონით დადგენილი წესით.

14. ხელშეკრულების შეწყვეტა

1. მხარეებს შეუძლიათ ურთიერთშეთანხმებით შეწყვიტონ ხელშეკრულება მისი მოქმედების ნებისმიერ ეტაპზე.

2. მხარეს შეუძლია ცალმხრივად შეწყვიტოს ხელშეკრულება მეორე მხარისათვის წერილობითი შეტყობინებით, იმ შემთხვევაში თუ:

ა) მხარემ მთლიანად ან ნაწილობრივ დაარღვია ამ ხელშეკრულების პირობა და არ/ვერ აღმოფხვრა აღნიშნული დარღვევა იმ ვადაში, რაც მითითებული იყო მეორე მხარის მიერ დარღვევის აღმოფხვრის შესახებ გაგზავნილ წერილობით მოთხოვნაში.

ბ) ხელშეკრულების ერთ-ერთი მხარე სისტემატიურად არღვევს ხელშეკრულების პირობებს;

გ) საქართველოს სამოქალაქო კოდექსის 398-ე მუხლით გათვალისწინებულ შემთხვევაში.

15. ხელშეკრულების მოქმედების ვადა

1. ხელშეკრულება ძალაში შედის, ხელშეკრულების თავში მითითებული თარიღიდან და მოქმედებს 2023 წლის 1 მარტის ჩათვლით.

2. წინამდებარე ხელშეკრულების შესაბამისი მუხლები ძალაში რჩება მხარეთა მიერ ნაკისრი ვალდებულებების სრულ ამოწურვამდე

16. სხვა პირობები

1. ხელშეკრულებაზე თანდართული დანართი N1 (პრეისკურანტი) წარმოადგენს ხელშეკრულების განუყოფელ ნაწილს და განიხილება მასთან მთლიანობაში.

17. მხარეთა რეკვიზიტები:

შემსყიდველი

შპს „გარდაზნის თბოსადგური“

მის. ქ. გარდაზანი, დავით აღმაშენებლის 2ბ

ს/კ: 404428071

ტელ: 995 32 299-1201

გენერალური დირექტორი

ჯაბა ხმაღაძე

მიმწოდებელი

სს „ჰიუნდაი ავტო საქართველო“

მისამართი: ქ. თბილისი, დ. აღმაშენებლის ხეივანი მე-12კმ.

ს/კ: 204478948

საბანკო რეკვიზიტები: სს „თიბის ბანკი“, ბ/კ TBCBGE22,

ა/ა GE96TB0600000360200182

დირექტორი

დავით გიორგობიანი

ა/მანქანის მარკა				HYUNDAI COUNTY
ა/მანქანის გამოშვების წელი				2014
ა/მანქანის ძრავის მოცულობა				3.9
რაოდენობა				2
1	2	3	4	5
#	სათადარიგო ნაწილების ჩამონათვალი	განზომილება	სათადარიგო ნაწილის საგარაუდო ღირებულება დღგ-ს ჩათვლით	პრეტენდენტის შემოთავაზებული სათადარიგო ნაწილის ღირებულება დღგ-ს ჩათვლით
1	წინა სამუხრუჭე ხუნდი	კომპლექტი	995.00	890.00
2	უკანა სამუხრუჭე ხუნდი	კომპლექტი	995.00	890.00
3	ხელის მუხრუჭის ხუნდები	კომპლექტი	570.00	510.00
4	ჰაერის ფილტრი	ცალი	80.00	70.00
5	საწვავის ფილტრი	ცალი	90.00	80.00
6	სიჩქარის ღერძის ტროსი	ცალი	315.00	280.00
7	სიჩქარის ღერძის ტროსის დამკერი	ცალი	15.00	13.00
8	წინა რესორის მილისა	ცალი	60.00	52.00
9	უკანა რესორის მილისა	ცალი	60.00	52.00
10	უკანა რესორის პალევი	ცალი	70.00	60.00
11	გადაბმულობის ჭურჭ	ცალი	610.00	550.00
12	გადაბმულობის დისკო	ცალი	890.00	800.00
13	გადაბმულობის საკისარი	ცალი	470.00	420.00
14	ჯვარა	ცალი	380.00	340.00
15	წინა სამუხრუჭე დოლურა	ცალი	1290.00	1145.00
16	უკანა სამუხრუჭე დოლურა	ცალი	1290.00	1145.00
17	ვაკუმის ნახოსი	ცალი	1180.00	1060.00
18	ჰიდრავლიკის ნასოსის კბილანა	ცალი	205.00	185.00
19	ჰიდრავლიკის ნასოსის ლილვი	ცალი	130.00	120.00
20	აკუმლიატორი 95 ამპ	ცალი	490.00	445.00
21	კონდიციონერის ღვედი	ცალი	95.00	85.00
22	წინა რესორი	კომპლექტი	2020.00	1815.00
23	უკანა რესორი	კომპლექტი	2050.00	1840.00
24	წინა რესორის მე-2 ფირფიტა	ცალი	650.00	580.00
25	წინა რესორის მე-4 ფირფიტა	ცალი	535.00	478.00
26	ამორტიზატორის რეზინი	ცალი	10.00	9.00
27	წინა მარცხენა მუხრუჭის ავზი	ცალი	480.00	420.00
28	წინა მარჯვენა მუხრუჭის ავზი	ცალი	480.00	420.00
29	გამათბობლის სათიელი	ცალი	140.00	125.00
30	საქერე მინის საწმენდი	ცალი	55.00	45.00
31	შორს მამუქი ნათურა	ცალი	75.00	65.00
32	ახლოს მამუქი ნათურა	ცალი	55.00	49.00
33	გაბარიტის ნათურა	ცალი	15.00	15.00
34	სალონის ნათურა	ცალი	30.00	25.00
35	უკანა ფარის ნათურა	ცალი	55.00	45.00
36	სანისლე ფარის ნათურა	ცალი	290.00	260.00
37	წინა ფარი მარჯვენა	ცალი	760.00	680.00
38	წინა ფარი მარცხენა	ცალი	760.00	680.00
39	ჰიდრო მუფტა	ცალი	690.00	620.00
40	ამძრავი კბილანა (ბენდექსი)	ცალი	255.00	230.00
41	ანტიფრიზი	ლიტრი	20.00	18.00
42	ამძრავი ღუზა (იაკორი)	ცალი	690.00	618.00
43	ამძრავის (სტარტერის) ჩოთქი	ცალი	170.00	155.00
44	სტერეოინის რეზინი	ცალი	35.00	30.00
45	მუხრუჭის ავზი	ცალი	480.00	420.00
ჯამი			21080.00	18834.00
საცხებ-საპოხი მასალები		ერთეული	ერთეულის საგარაუდო ფასი დღგ-ს ჩათვლით	პრეტენდენტის შემოთავაზებული ერთეულის ფასი დღგ-ს ჩათვლით
1	გადაცემათა კოლოფის ზეთი	ლიტრი	30.00	25.00
2	ხიდის ზეთი	ლიტრი	30.00	25.00
3	ყინვა გამლეს სითხე	ლიტრი	20.00	20.00
4	შესაზეთი ტაოტი	ცალი	30.00	25.00
5	სამუხრუჭე სითხე	ლიტრი	60.00	60.00
ჯამი			170.00	155.00

	გასაწევი მომსახურების ჩამონათვალი	ერთეული	მომსახურების საგარაუდო ღირებულება დღგ-ს ჩათვლით	პრეტენდენტის შემოთავაზებული მომსახურების საგარაუდო ღირებულება დღგ-ს ჩათვლით
1	წინა სამუხრუჭე ხუნდების შეცვლა	კომპლექტი	150.00	135.00
2	უკანა სამუხრუჭე ხუნდების შეცვლა	კომპლექტი	180.00	165.00
3	ხელის მუხრუჭის ხუნდების შეცვლა	კომპლექტი	120.00	110.00
4	ჰაერის ფილტრის შეცვლა	ცალი	30.00	25.00
5	საწვავის ფილტრის შეცვლა	ცალი	80.00	70.00
6	სიჩქარის ღერძის ტროსის შეცვლა	კომპლექტი	80.00	70.00
7	სიჩქარის ღერძის ტროსის დამჭერის შეცვლა	კომპლექტი	40.00	20.00
8	წინა რესორის მილისას შეცვლა	კომპლექტი	400.00	350.00
9	უკანა რესორის მილისას შეცვლა	კომპლექტი	350.00	320.00
10	უკანა რესორის პალეცის შეცვლა	ცალი	60.00	50.00
11	გადაბმულობის ქურის შეცვლა	კომპლექტი	550.00	500.00
12	გადაბმულობის დისკოს შეცვლა			
13	გადაბმულობის საკისარის შეცვლა			
14	ჯვარას შეცვლა	ცალი	90.00	80.00
15	წინა საყრდენი დისკოს შეცვლა	ცალი	130.00	120.00
16	გამათბობლის სანთლის შეცვლა	ცალი	80.00	60.00
17	საქარე მიწის საწმენდის შეცვლა	ცალი	5.00	0.00
18	შორს მაშუკი ნათურის შეცვლა	ცალი	40.00	25.00
19	ახლოს მაშუკი ნათურის შეცვლა	ცალი	40.00	25.00
20	გაბარიტის ნათურის შეცვლა	ცალი	40.00	25.00
21	სალონის ნათურის შეცვლა	ცალი	30.00	15.00
22	უკანა ფარის ნათურის შეცვლა	ცალი	30.00	20.00
23	სანისლე ფარის ნათურის შეცვლა	ცალი	40.00	40.00
24	საქის ღერძის და გადაბმულობის რეგულირება	კომპლექტი	140.00	125.00
25	სამუხრუჭე ხუნდების რეგულირება (წინა-უკანა)	კომპლექტი	150.00	130.00
26	სავალი ნაწილის შეზეთვა	1 წერტილი	4.00	3.00
27	გადაცემათა კოლოფში ზეთის შეცვლა	კომპლექტი	50.00	40.00
28	ხიდში ზეთის შეცვლა	კომპლექტი	50.00	40.00
29	სამუხრავის მოხსნა-დაყენება, დამლა-აწყობა, ბალანსირება	ცალი	80.00	65.00
30	ხელის მუხრუჭის რეგულირება	კომპლექტი	200.00	180.00
31	ფარის შეცვლა	ცალი	40.00	25.00
32	რესორის აღდგენა	კომპლექტი	200.00	180.00
33	მუხრუჭის ავზის შეცვლა	ცალი	150.00	135.00
34	ჰიდრო მუფტის შეცვლა	ცალი	300.00	275.00
35	ამორტიზატორის რეზინის შეცვლა	კომპლექტი	120.00	80.00
36	საწვავის სისტემის გაწმენდა	ცალი	130.00	120.00
37	სტარტერის მოხსნა/დაყენება	ცალი	150.00	130.00
38	სტარტერის აღდგენა	ცალი	90.00	80.00
39	გაზის ტროსის დადუღება	ცალი	50.00	35.00
40	ელექტრობობის აღდგენა	ცალი	350.00	330.00
41	წინა მარჯვ. სტერკინის შეცვლა	ცალი	40.00	30.00
42	მუხრუჭების დაჰაერება	ცალი	150.00	120.00
43	ელ. დიაგნოსტიკა	ცალი	50.00	40.00
44	გენერატორის მ/დ	ცალი	150.00	130.00
45	გენერატორის შეკეთება	ცალი	90.00	80.00
46	ევაკუატორით მომსახურება	1 კმ	3.00	3.00
47	ანტიფრიზის შეცვლა	1 ლიტრი	3.00	3.00
	ჯამი		5305.00	4604.00
	საერთო ჯამი		26555.00	23593.00

შემსყიდველი
შპს "გარდაბნის თბოსადგური"

მიმწოდებელი
სს "ჰიუნდაი ავტო საქართველო"

ხელწერილი ინტერესთა კონფლიქტის არარსებობის შესახებ

ქ. გარდაბანი

06 დეკემბერი 2021წ

ხელშეკრულება N23-061221-01

ვადასტურებთ, რომ სს „ჰიუნდაი ავტო საქართველოს“ მიმართ სრულად ვაკმაყოფილებთ „სახელმწიფო შესყიდვების შესახებ“ საქართველოს კანონის მე-8 მუხლით დადგენილ, ინტერესთა კონფლიქტის თავიდან აცილების პირობებსა და წესებს.

ჯაბა ხმაღაძე
გენერალური დირექტორი

თამაზ დემინაშვილი
გენერალური დირექტორის მოადგილე

ირაკლი კანდელაკი
ფინანსური დირექტორი

ვახტანგ ზარნაძე
იურიდიული დეპარტამენტის უფროსი

მარიკა კიკნაძე
შესყიდვების დეპარტამენტის უფროსი

ნათია ღლონტი
შესყიდვების დეპარტამენტის უფროსის მოადგილე

დავით შარაშენიძე
ლოგისტიკის დეპარტამენტის უფროსი

მიხეილ სარატოვი
ლოგისტიკის სამსახურის წამყვანი სპეციალისტი

ლევან ფულარიანი
შესყიდვების დეპარტამენტის მთავარი კოორდინატორი
